



Broj: 06-1-07-1- 26-1/26

Sarajevo, 08.01.2026. godine

Izborna komisija osnovne izborne jedinice - svi

PREDMET: Obuke kandidata za predsjednike/zamjenike predsjednika biračkih odbora

S obzirom da je edukacija i podučavanje organa za provođenje izbora, izuzetno važan segment izbornog procesa, Centralna izborna komisija Bosne i Hercegovine u saradnji s Misijom OSCE u Bosni i Hercegovini organizuje obuku kandidata za predsjednike/zamjenike predsjednika biračkih odbora, koja će se održati u periodu od 15.02. do 15.03.2026. godine. Organizacija i provođenje obuke obuhvata sljedeće korake:

- a) *imenovanje 90 instruktora Centralne izborne komisije BiH* – Centralna izborna komisija BiH će raspisati javni poziv za prijavu kandidata za instruktore Centralne izborne komisije BiH, a 90 najuspješnijih kandidata će ući u fazu obuke i imenovanja. Nakon toga Centralna izborna komisija BiH će organizovati obuku za 90 najuspješnijih kandidata za instruktore i to u tri grupe po 30 kandidata. Prva grupa kandidata za instruktore će imati obuku 26.01.2026. godine u Banja Luci, druga grupa 28.01.2026. godine u Mostaru i treća grupa 29.01.2026. godine u Sarajevu u Centru za edukaciju Centralne izborne komisije BiH. Kandidatima za obuku i Gradskoj izbornoj komisiji Banja Luka i Gradskoj izbornoj komisiji Mostar bit će blagovremeno potvrđeni termini održavanja obuka, koji će u velikoj mjeri zavisiti od vremenskih uslova. Gradska izborna komisija Banja Luka i Gradska izborna komisija Mostar su obavezne da osiguraju prostor za obuku u navedenom terminu i projektor. Centralna izborna komisija BiH očekuje od izbornih komisija da saopštenje Centralne izborne komisije BiH o objavljenom javnom pozivu za instruktore prosljede svim medijima u svojoj osnovnoj izbornoj jedinici, lokalnim televizijama i radio stanicama;
- b) *javni poziv za prijavu kandidata za predsjednike/zamjenike predsjednika biračkih odbora* – Centralna izborna komisija BiH planira da u drugoj polovini januara 2026. godine raspiše javni poziv za prijavu kandidata za predsjednike/zamjenike predsjednika biračkih odbora. Centralna izborna komisija BiH očekuje od izbornih komisija da saopštenje Centralne izborne komisije BiH, odmah po raspisivanju javnog poziva, prosljede svim medijima u svojoj osnovnoj izbornoj jedinici lokalnim televizijskim i radio stanicama, kao i da putem medija što više promovišu značaj uloge predsjednika biračkih odbora kako bi se na javni poziv prijavilo što više kandidata;
- c) *obuka kandidata za predsjednike/zamjenike predsjednika biračkih odbora* – Centralna izborna komisija BiH će izbornim komisijama blagovremeno dostaviti spisak svih kandidata za predsjednike/zamjenike predsjednika biračkih odbora u njihovim osnovnim izbornim jedinicama. Izborne komisije su obavezne da osiguraju prostor za obuku, projektor i da obavijeste kandidate o terminu i mjestu održavanja obuke prema planu koji će dostaviti Centralna izborna komisija BiH. Prilikom kontaktiranja kandidata izborna komisija će voditi računa da, ukoliko ima više termina za održavanje obuke, kandidatima omogućiti da prisustvuju obuci u terminu koji im odgovara zbog poslovnih ili drugih obaveza;

- d) *instruktori koji budu zaduženi za održavanje obuke će izvršiti obuku i testiranje svih kandidata koji budu pohađali obuku* - Centralna izborna komisija BiH će kod izrade plana za održavanje obuke voditi računa da se obuke održavaju u dane vikenda kako bi svi kandidati mogli prisustvovati obuci.

Misija OSCE u Bosni i Hercegovini će osigurati instruktorima naknadu za rad instruktorima, a svim učesnicima obuke osvježenje, s obzirom da će obuka trajati maksimalno 4 sata.

S poštovanjem,

Dostaviti:

- Naslovu,
- a/a



Zamjenjuje predsjednika

[Signature]
Dr. Ahmet Šantić, član